



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

1. Qvidnam sit animæ Affectus.

urn:nbn:de:hbz:466:1-14077

ut accidat absque hominis voluntate. Et ideo ne contingat, impedire iure non possumus: hoc enim est ut velle refutare absolute & definita Dei voluntati, quando nobis illa constituerit. Nam si nihil de ea sciamus, iure possumus remedium adhibere, ne etiam hoc malum eveniat.

Ex his patet responsum ad questionem supra positam de virbe in hostiles manus ventura. Est enim hoc malum diuinatus prenuntium, & pronuntiatum tanquam futurum ex malis ac peruersis hominum voluntatibus, quas nos impeditre optimo iure & possumus, & debemus.

IOANNIS AZO-

RII LORCITANI, E SO-

CIETATE IESV,

INSTITUTIO-

NVM MORALIVM,

LIBER III.

De Affectibus animae Habitibus & Virtutibus.

Primo loco de Animæ affectibus, que passiones vulgo vocantur. Secundo de Habitibus. Tertio de Virtutibus. Quartio de Originali primi hominis iustitia hoc præsenti libro Deo duce breuiter disputabo.

CAPVT PRIMVM.

Quidnam sit animæ affectus.

DRIMO queritur, Quibus nominibus animi affectus appellantur. Gerson edidit tractatum, in quo agit breuiter clarè, & distinctè de affectibus animorum, cui titulus est de passionibus in part. 3. suorum operum. **R**espondeo, Apud Cicerorem, perturbationes animi vocari: quia contemplando, & agendo, animam perturbant. Ab aliis vero dicuntur animi motus, affectus, affectiones, & passiones; eo quod huiusmodi motibus soleant animantes commoueri, affici, & aliquid etiam perpeti. Unde Augustinus ait: Animus motus, quos Graci nostri autem quidam sicut Cicero, perturbationes, quidam affectiones, vel affectus, quidam vero sicut Apuleius de Greco expressius passiones vocare: quia exprimit passionis nomen commotionem animi, & corporis. Hac Augustinus, Rogabis forsan, cur nos de his animi affectibus in præsencia differamus. Respondeamus: De affectibus animorum alter Rhetores agere: alter vero Philosophos. Rhetores quidem de his loquuntur, ut doceant, quomodo sit Oratori dicendum ad auditorum animos inhortando, suadendo, accusando, defendendo per mouendos. At Philosophi, qui de moribus tractant, de affectibus differunt, ut ostendant, qua ratione virtutibus prauitatem.

animi affectus curentur, & corrigantur. Circa eodem affectus Philosophi naturales versantur gratia sciendi eorum naturam, principia, causas, proprietates, & effecta. Nos igitur de his merito in præsenti loco tractare instituimus: quia inde sapientia vita, & peccata nascentur. Sunt enim veluti funiculi quidam, quibus ad hoc, vel illud quasi vinceti quodammodo aliquando homines trahuntur. sunt veluti quidam igniculi, quibus inflammatur, & accendimur; stimuli, qui nos frequenter pungunt, & angunt: sunt veluti nervi, quos aliquando contrahimus, aliquando porrigitur; venti, quibus noster animus tanquam mare procellosum perpetuo exagitatur; clavi denique, quibus miser homo conficitur: & nubes, quibus mens, & ratio obscuratur. Expedit, ut hominum affectuum origines, causas, & effecta cognoscamus, & remedia, quibus curantur, perspecta habeamus.

Secundò queritur, Quanam ratione affectus in animantibus generentur. **R**espondeo: primum omnium, Res quæ corporis sensibus obijcitur, sub Imaginationem venit. **S**ecundo, imaginandi facultas eam percipit, ut talem, vel talem: hoc est ut veram, vel falsam eo modo, quo in sensibus externis, vel internis, verum aut falso esse potest. **T**ertio, ut bonam, vel malam, sive ut iucundam, aut molestam, salutarem item, aut noxiā. **Q**uarto, imaginandi vis, cum percipit rem, ut veram, aut falsam, appetitum nequam excitat; Nec item cum primum apprehendit ut bonam, vel malam absolute: sed statim ut eam cognoscit, ac percipit ut bonam, vel malam nobis, vel rebus nostris, appetitum mouet, & excitat. **Q**uinto, appetitus ab imaginatione excitatus rem sibi obiectā, vel approbat, & appetit, vel improbat, & respuit, hoc est, vult, vel non vult. **S**exto conequitur cōtinuò in animantibus commotio spirituum vitalium, qui per arterias ex corde in totum corpus diffunditur; & sanguis qui ex ecore per venas ad omnes, & singulas corporis partes delatus emanat: quibus duobus motis, cor, & præcordia, & omnia corporis membra, ipsum deniq; corpus cōmouentur. Hac enim omnia, aut frigescunt, aut calent; aut contrahuntur, aut dilatantur: & inde animal quod vult, membra flebit, contorquet, porrigit, contrahit. Ex quo efficitur, ut plurimi in corpore effectus, & morus confequantur. nam cor cupitate, & latitia se dilatar, ac fundit: morore, & tristitia contrahitur; metu refrigerescit, ac tremit; ira incalcescit, & feruer; inuidia item corpus tabescit; pudorem rubor consequitur; terror, pallor, tremor, & dentium crepitus comitantur dolore, in suspiria, gemitus & lamenta prorumpimus: Amantis sermo est mollis, ac tener; irati acer, & vehemens. In ira vox est arox, aspera, densa, & respiratione crebra; in metu vero contracta, & remissa.

Tertio queritur, Quidnam sint affectus animi, an sint opiniones, & iudicia; an motus, an actus, an passiones? Si quidem hec omnia, ut iam explicimus, in affectibus comparentur. **R**espondeo ex Nysseno: Motum esse transitum aliquius ex uno in aliud: ut cum quipiam ex loco in locum transfertur, aut impellitur; quamuis secundum Aristotelem, & Peripateticos morus sit pro-

*Nyssen. lib.
4. Philoso.
c. 8. Arist.
lib. 3. Phys.
c. 1. & 2.*

gressio forma alicuius imperfecta ad suam perfectionem. Vnde in motu semper est recessus ab uno, & accessus ad aliud; & ideo cum aliquid sit ex calido frigidum, in qualitate mouetur; cum ex paruo magnum, in quantitate. Actus vero generatim acceptus, quo quipiam operamur, vel efficimus, est alicius facultatis animi, vel corporis functionis. Actus sunt cognoscere, videre, gustare, appetere, loqui, saltare, & edificare. Patio vero est, qua aliquid certa qualitate permouetur. Unde propriæ pationes corporis dicuntur, ut cum morbis, vulneribus, verberibus, cruciatibus, doloribus, incisionibus, exulcerationibus corporis affectus. Pari modo cum animus suis morbis, & agravitudinibus commouetur, et dicuntur passiones animi. Modo igitur quæstio est, an affectus animi sit cognitionis, & iudicium, quo res obiecta tamquam bona, vel mala iudicatur; an vero actus, quo appetitus approbat, vel repudiat bonum, vel malum sibi oblatum; an potius sit motus, & perpulsio, qua cor via cum corpore affectur, commouetur, & patitur? Stoici, teste Cicerone, affectus animi definiebant esse iudicium, & opiniones. Unde siebant, Dolorem, esse opinionem mali presentis: Metum opinionem mali futuri, & expectati: Lætitiam opinionem boni futuri, & nondon posse. Peripatetici vero, affectus aliquando, siunt, esse actus appetitus, aliquando vero animi perpulsiones. Vera autem sententia hæc est, Affectum animi esse actum appetitus, qui sequitur cognitionem, sive iudicium rationis, vel sensus, & corporis commotionem generat. Non itaq; affectus animi est patro corporis, sed actus appetitus cum patione corporis coniunctus, aut causa passionis efficiens. Nec est opinio, vel iudicium facultatis cognoscendi, sed est actus appetitus cognitionem, & iudicium consequens. Stoici affectus, animi iudicia, & opiniones esse definierunt, eos per causas, & origines, unde proxime existunt, explicuerunt; sed exactius Peripatetici appetitus actus, & motus esse dixerunt affectus, eos per formam definientes.

Cap. II.

*Cuius facultatis, & instrumenti actus
sint animi affectus.*

PRIMO queritur, Cuiusnam facultatis actus sint animi affectus, sive ne voluntatis rationem sequentis, an vero appetitus animalis, qui sensu regitur. Respondeo, esse actus appetitus, qui sensus cognitionem, & iudicium sequitur: quia licet appetitus rationem sèpè præcurrat, potest tamen ratione dirigi, & temperari. Atque hæc est Aristotelis sententia, quam Theologi communis consensu approbarunt. & ideo huiusmodi affectus dicuntur animales, & imaginandi actus proxime cōsequuntur. Quare famæ, & sitis inter affectus animæ non computantur, quoniam licet famæ, sit cupiditas siccæ, & calidi, & sitis, appetitus frigidi, & humidæ: mentis tamen cognitionem præueniunt, nec possunt rationis imperio gubernari; & idcirco naturalis sunt facultatis. Objicces, Parua animalia, cuiusmodi sunt vermes, formicæ, musæ, culices, & id genus alia imaginandi vi carent, tamen appetitu sunt prædi-

*Cic. Tusc.
4. & Galen.
Eb. 4. de de-
crevis Hippo-
cratis. &
Platonis.*

*Arist. E-
thic. ca. 13.
Pintar. o-
pusc. de vir-
tutib. mor-
alib.*

*Nyssen. lib.
4. ca. 8. &
Damasco.
lib. 2. c. 12.*

ta, & suis quoque affectibus mouentur, & vivunt. Respondeo, Nullum esse animal, quoniam exiguum, quod imaginandi facultate, vel sensu aliquo interno vacet, licet in eo eiusmodi vis sit etiam parua, & exigua. Vnde sit, ut haec animalia tacta statim contrahantur, aut dilatentur, aut aliquo modo se flectant, & contorqueant: eo quod eis primùm tanguntur, dolore, aut delectatione afficiuntur, & eorum tactum appetitus comitatur.

SECUNDUO queritur, Cuiusnam instrumenti actus sint affectus animi, nam omnis corporalis animalium actus alicius est facultatis, & instrumenti. Plato videtur facultati appetenti corporis instrumenta tribuisse. Nam vim concupiscentem tamquam in fede ponit in iecore, irascitatem in corde. Idem etiam ex Platone docuerunt Nyssenus, & Galenus, ex quod spiritus ex corde proficiuntur, & in ira plurimum est spiritus. Ex iecore vero sanguis exoritur, & in sanguine, ac iecore viger cupiditas. Medici, vt ait Laertianus lib. dinum. mifit. 6. c. 15. docent, lætitiam esse in splene, iram in felle, metum in corde, cupiditatem in iecore. Hoc idem innuit Glossa in cap. 1. Ezechiel, & Gabr. 2. d. 39. q. 1. a. 1. votab. 3. Scotus ait diuersa esse instrumenta; sed que sint illa minime expressi sunt: existimo eum intelligere cor, iecur, & splenem, sic etiam Henric. quodl. 8. q. 15. Theologi quidam potius videtur sensisse facultatis appetentis cor esse instrumentum, quia cor est primum, quod animi affectibus potissimum commouetur; vt patet in ira, cupiditate, metu, lætitia, & dolore, qui tristitia dicitur. S. Thomas planè tradidit instrumentum potissimum harum affectionum animi esse cor; quoniam quibusdam magis probatur medicorum opinio, Platonis, & Nysseni; mihi tamen magis placet, S. Thomas sententia: nam est quidam affectus in iecore, alij in splene, alij in felle dominari videntur, sed omnes in corde sedem habent; item omnes incipiunt in iecore, sed perficiuntur in corde.

TERTIO queritur, An irascendi, & concupiscentiae facultas subiecto, & re distinguantur, an vero solum ratione? nam duas esse, & aliquo modo differre, aperte docent Nyssenus & Damascenus locis citatis. Dux sunt opiniones. **PRIMA** docet solum ratione distingui, quoniam animalium vires & facultates ex re obiecta, & subiecto & instrumento distinguuntur, & differunt: at cor est subiectum proximum, & instrumentum humusmodi facultatum; ergo ex subiecto, & instrumento non differunt. Scot. & Gabr. 2. diff. 16. a. 1. sententia vires ab anima, & inter se, sola ratione differre, nisi instrumento secernantur. Henric. quodl. 8. q. 15. appetitus irascimenti, & concupiscentiae sola ratione distinguitur. Quia res obiecta, sola ratione sciungitur, quoniā ut est bona, iucunda, vel salutaris, concupiscit; ut vero eadem est difficultis, & ardua, ad irascendi facultatem spectat. Ergo ex re obiecta dictæ facultates non differunt. **SECONDUM** opinio tradit re eiusmodi facultates distinguiri, & separari, eo quod ex re obiecta differant. Nam obiectum facultatis concupiscentis est bonus absolute; irascimenti vero est bonus arduus, arque difficile. Deinde quia ea facultates inter se officio distant: nam vis concupiscentis est à natura tributa, ut singula animalia ea, quae sunt

vitilia,

*Nyssen. lib.
4. Philos. &
Gal. lib.
4. da destr.
Tipp. &
Platon.*

*Scot. 3. d. 3.
3. q. 4. a. 1.*

*S. The. 1. 1.
2. 8. 4. a. 2.*

*S. The. 1. 1.
q. 23. art. 1.
Ricard. 1.
25. a. 1. q. 1.
Bonavent. 1. 1.
20. a. 2. q. 1.*